

**REGIONAL NEWS UNIT
ALL INDIA RADIO, AGARTALA**

Date: 27-05-2018

Time: 07:35-07:40 AM Hrs

BENGALI MORNING BULLETIN

NDA সরকার চার বছর পূর্ণ :

ভারতীয় জনতা পার্টি (বি জে পি) নেতৃত্বাধীন কেন্দ্রীয় সরকারের গতকাল চার বছর সম্পূর্ণ হয়েছে। দুই হাজার চোদ্দ সালের লোকসভা নির্বাচনে ওই দিনেই নরেন্দ্র মোদি প্রধানমন্ত্রী হিসাবে শপথ গ্রহণ করেছিলেন। গত চার বছর মোদি সরকার জনগনের স্বার্থে তাৎক্ষণিকভাবে যোগাযোগ স্থাপনে তথা জনসাধারণের কল্যাণে বিভিন্ন প্রকল্প গ্রহণের ক্ষেত্রে উদ্যম ও কল্পনা শক্তির পরিচয় দিয়েছে। এই উপলক্ষে প্রধানমন্ত্রী নরেন্দ্র মোদি গতকাল সকালে টুইট যোগে বলেছেন যে সরকার পূর্ণ সততা এবং নির্ণায়ক সঙ্গে একটি শক্তিশালী নতুন ভারত গড়ে তোলার সিদ্ধান্ত নিয়েছে। তিনি বলেন যে জনসাধারণের সমর্থন এবং বিশ্বাসই সরকারের উৎসাহ এবং শক্তির মূল উৎস। প্রধানমন্ত্রী বলেছেন, সরকার একই উদ্যম ও সমর্পনের মনোভাব নিয়ে কাজ করে যাবে। কারণ এই সরকারের কাছে দেশই সর্ব প্রথম।

এদিকে, বি জে পি-র সর্ব ভারতীয় সভাপতি অমিত শাহ বলেছেন দল দেশকে একটি স্থিতিশীল, স্বচ্ছ এবং

বিশ্বাসযোগ্য সরকার উপহার দিতে সক্ষম হয়েছে। তিনি বলেন যে, বি জে পি দেশে একজন কঠোর, পরিশ্রমী এবং বিশ্বের অন্যতম জনপ্রিয় প্রধানমন্ত্রী ভারতবাসীকে উপহার দিয়েছে।

এদিকে, ফেইসবু কে মন্তব্য করতে গিয়ে কেন্দ্রীয় মন্ত্রী অরুণ জেটলি বলেছেন যে প্রধানমন্ত্রী নরেন্দ্র মোদি আইন মন্ডল এবং বিভিন্ন প্রাতিষ্ঠানিক সংস্কার ঘটিয়ে দেশবাসীকে একটি দু নীতি মু ক্ত স্বচ্ছ সরকার উপহার দিতে সক্ষম হয়েছেন।

মু খ্যমন্ত্রী

প্রধানমন্ত্রী নরেন্দ্র মোদীর নেতৃত্বাধীন NDA সরকারের চার বছরের কাজ কর্মের ভূ য়সী প্রসংসা করলেন মু খ্যমন্ত্রী বিপ্লব কুমার দেব। গতকাল দলীয় সদর দপ্তরে এক সাংবাদিক সম্মেলনে তিনি কেন্দ্রীয় সরকারের বিভিন্ন সফলতার দিক গুলো উল্লেখ করেন। তিনি বলেন, দেশীয় এবং আন্তর্জ াতিক স্তরে ব্যাপক ভাবে সফল হয়েছেন প্রধানমন্ত্রী ।রাজ্যের উন্নয়নে প্রধানমন্ত্রীর বিভিন্ন পদক্ষেপের উল্লেখ করে তিনি কেন্দ্রীয় সরকারকে অভিনন্দন জানান। তিনি বলেন, ভিশন ডকুমেন্ট অনু য়ায়ী যা যা প্রতিশ্রুতি দেওয়া হয়েছিলো তা সব পূ রণ করা হলে রাজ্য সরকারের আড়াইমাসের কাজকর্মের উল্লেখ করে শ্রীদেব বলেন নেশা দু নীতি ও নারী নির্য াতন মু ক্ত রাজ্য গড়াই সরকারের লক্ষ্য

মন-কি-বাত:

প্রধানমন্ত্রী নরেন্দ্র মোদি আজ সকাল ১১টায় আকাশবাণীর মন কি বাত অনুষ্ঠানের মাধ্যমে দেশ বিদেশের শ্রোতাদের সঙ্গে মত বিনিময় করবেন। এটি হবে মন কি বাত অনুষ্ঠানের ৪৪তম সংস্করণ। আকাশবাণী ও দূরদর্শনের সব নেটওয়ার্কে র মাধ্যমে এই অনুষ্ঠান শোনা যাবে। প্রধানমন্ত্রীর কার্যালয় সহ তথ্য ও সম্প্রচার মন্ত্রণালয় ও ডি ডি নিউজের ইউটিউব চ্যানেলেও এই অনুষ্ঠান শোনা যাবে। আকাশবাণীর ওয়েবসাইট www.allindiaradio.gov.in এর মাধ্যমেও এই অনুষ্ঠান সম্প্রচার করা হবে। প্রধানমন্ত্রীর মন কি বাত কার্যসূচীর অব্যবহিত পরেই আকাশবাণী এই অনুষ্ঠানটির আঞ্চলিক ভাষায় অনুবাদ সম্প্রচার করবে। রাত ৮ টায় অনুষ্ঠানটির আঞ্চলিক ভাষায় অনুবাদ পুনরায় করা হবে।

CBSE-রেজাল্ট:

কেন্দ্রীয় মাধ্যমিক শিক্ষা পর্ষদ (সি বি এস ই)-র অধীন ২০১৮ সালের দ্বাদশ শ্রেণীর পরীক্ষার ফল গতকাল ঘোষণা করা হয়েছে। এই পরীক্ষায় মোট ৫০০ নম্বরের মধ্যে ৪৯৯ নম্বর পেয়ে নয়ডার মেঘনা শ্রীবাস্তব সারা ভারতে প্রথম স্থান অধিকার করেছে। পাশের হার ৮৩ দশমিক ৮ শতাংশ। গতবার এই হার ছিল ৮২ দশমিক ০.২ শতাংশ। সি বি এস ই পরীক্ষায় এবার ছেলেদের তুলনায় মেয়েরা

ভাল ফল করেছে। মেয়েদের পাশের হার ৮৮ দশমিক
৩.১ শতাংশ অন্যদিকে ছেলেদের পাশের হার হচ্ছে ৭৮
দশমিক ৯.৯ শতাংশ।

CBSE - আগরতলা :

এদিকে, আমতলির বিবেকনগরস্থিত রামকৃষ্ণ মিশন
বিদ্যালয় সি.বি.এস.ই পরিচালিত উচ্চ মাধ্যমিক পরীক্ষায়
উল্লেখযোগ্য সাফল্য পেয়েছে। রামকৃষ্ণ মিশন বিদ্যালয়ে
বিজ্ঞান বিভাগে সর্বে শ্রেষ্ঠ নম্বর পেয়েছে রোহন দেববর্ম II
মোট ৫০০ নম্বরের মধ্যে সে পেয়েছে ৪৮৭ নম্বর, অর্থ ৯৭
৯৭.৪ শতাংশ। এই বিদ্যালয়ে দ্বিতীয় স্থানে রয়েছে
অভিষেক রায়। সে পেয়েছে ৯৭.২ শতাংশ নম্বর ও ৯৬.৪
শতাংশ নম্বর পেয়ে এই বিদ্যালয়ে তৃতীয় স্থানে রয়েছে
অনু ভব মজু মদার।

নজরুল জয়ন্তী:

রাজ্যেও গতকাল কবি কাজী নজরুল ইসলামের ১১৯ তম
জন্মবার্ষিকী বিভিন্ন অনুষ্ঠানের মধ্য দিয়ে উদযাপন করা
হয়। প্রভাতি অনুষ্ঠানের মধ্য দিয়ে শুরু হয় অনুষ্ঠান।
দুপুরে আগরতলার রবীন্দ্র শতবার্ষিকী ভবনে বিদ্যালয়
শিক্ষা দপ্তরের উদ্যোগে আয়োজিত অনুষ্ঠানে মুখ্যমন্ত্রী বিপ্লব
কুমার দেব বলেছেন, ত্রিপুরাকে একটি সর্বশ্রেষ্ঠ রাজ্য

হিসাবে গড়ে তুলতে ছাত্রছাত্রী সহ যুব শক্তিকে বিশেষ ভূমিকা গ্রহণ করতে হবে। কারণ ছাত্রছাত্রীরাই আগামী দিনে ত্রিপুরার ভবিষ্যৎ। মুখ্যমন্ত্রী বলেন, তাঁর অধিকাংশ কবিতা, গল্প, উপন্যাসে বিদ্রোহের ভাব প্রকাশিত হয়েছিল। তাই তাঁকে আমরা বিদ্রোহী কবি নামেই সবচেয়ে বেশি জানি। তাঁর রচিত কবিতা ভারত ও বাংলাদেশ দুই দেশেই সমান জনপ্রিয়। তিনি বলেন, নজরুল ইসলাম পরাধীন ভারতবর্ষকে ধর্মবর্ণ নির্বিশেষে একসূত্রের বন্ধনে আবদ্ধ হওয়ার জন্য বলিষ্ঠ ভূমিকা নিয়েছিলেন। সে কারণেই আজকের দিনেও তাঁর প্রাসঙ্গিকতা ততটাই রয়েছে যতটা পরাধীন ভারতবর্ষে ছিল।

বিদ্যালয় শিক্ষা দপ্তরের উদ্যোগে আয়োজিত নজরুল সঙ্গীত প্রতিভা পুরস্কার, বিতরণ করা হয় অনুষ্ঠান মঞ্চে। পুরস্কার প্রাপক মহাত্মা গান্ধী মেমোরিয়াল দ্বাদশ শ্রেণী বিদ্যালয়ের ছাত্রী শ্রেয়া সরকার এবং উদয়পুর নেতাজী বিদ্যালয়কেতনের ছাত্রী তিথি রায়কে পুরস্কার প্রদান করেন মুখ্যমন্ত্রী বিপ্লব কুমার দেব। পুরস্কার হিসেবে তাদের স্মারক, মানপত্র এবং ৫ হাজার টাকার নগদ অর্থ রাশি প্রদান করা হয়।

পর্যটনমন্ত্রী:

পর্যটন ও ক্রীড়া মন্ত্রী প্রণজিৎ সিংহ রায় গতকাল সার্কুমের আমলীঘাট মেরু-তে ইকো পার্ক তৈরী করার জন্য প্রস্তাবিত স্থান পরিদর্শন করেন। পরিদর্শন নকালে তিনি বলেন,

এখানে ইকো পার্ক তৈরী করলে ভারতবাংলাদেশ দুই দেশের মানুষের কাছে এটি একটি আকর্ষণীয় পর্যটন কেন্দ্র হিসাবে গড়ে উঠবে। কারণ কিছু দিন পর সার্কুম দিয়ে আন্তর্জাতিকভাবে ব্যবসা শুরু হবে। বহিঃরাজ্যের পর্যটকরা এখানে আসবেন। এরপর তিনি স্থানীয় জনগনের সাথে মত বিনিময় করেন। পরে তিনি আমলীঘাট কৃষি উদ্যান ও সার্কুমে ফেনী নদীর উপর সেতু নির্মাণের কাজও পরিদর্শন করেন। উল্লেখ্য, আমলীঘাট ইকো পার্কটির আয়তন হবে ২০ হেক্টর। প্রস্তাবিত ইকো পার্ক পরিদর্শনের সময় মন্ত্রীর সাথে ছিলেন পর্যটন দপ্তরের সচিব।

ফুটবল :

ত্রিপুরা ফুটবল এসোসিয়েশনের নতুন পরিচালন কমিটির গভর্নিং বডি'র প্রথম বৈঠক গতকাল অনুষ্ঠিত হয়। টিএফএ অফিসে অনুষ্ঠিত সভায় এসোসিয়েশনের সহ সভাপতি হিসেবে অমিত দেব ও যুগ্ম সম্পাদক হিসেবে রাজীব ঘোষকে সর্বসম্মতিক্রমে নির্বাচিত করা হয়েছে। পরে সিদ্ধান্ত হয়েছে আগামী ৩ জুন থেকে ঘরোয়া ফুটবল মরশুমের সূচনা হবে। পরে এক সাংবাদিক সম্মেলনে টিএফএ সভাপতি রতন সাহা জানান, তৃতীয় ডিভিশন ফুটবল লিগের মধ্য দিয়ে মরশুমের সূচনা করার জন্য মুখ্যমন্ত্রী বিপ্লব কুমার দেবকে আমন্ত্রণ জানানো হবে।

আবহাওয়া:

আজ দুপুর পর্যন্ত আবহাওয়ার পূর্বাভাসে জানানো হয়েছে, আকাশ প্রধানত মেঘলা থাকবে। বজ্র বিদ্যুৎ সহ স্ফিটপাত হতে পারে। আজ সকাল পর্যন্ত স্ফিট হয়েছে ০.৬ মিলিমিটার। গত ১লা মার্চ থেকে গতকাল পর্যন্ত প্রাক বর্ষা মরশুমে বৃষ্টি হয়েছে ৯১৩.৯ মিলিমিটার। যা স্বাভাবিকের চাইতে ৭৭ ভাগ বেশি বলে জানানো হয়েছে। এদিকে, আজ সকাল থেকেই আগরতলায় গরম বাড়তে শুরু করেছে। আগরতলায় আজ সকালে সর্ব নিম্ন তাপমাত্রা ছিল ২৭.২ ডিগ্রী সেলসিয়াস। দিনের সর্বোচ্চ তাপমাত্রা থাকবে ৩৩ ডিগ্রির কাছাকাছি।
